



DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS,
*manè discutienda, in Scholis Medicorum, die Jovis, decimâ-octavâ
mensis Martii, anno Domini M. DCC. XLV.*

M. GABRIELE-ANTONIO JACQUES.

Doctore Medico, Præside.

An Aër frigidus & siccus Salubrior?

I.



RTIS Medicæ pars ad servandam sanitatem dica-
ta *hygiens* nomine insignitur. *hygiens* summa laus esto.
Sæpè sæpius propter in vitæ normâ erratum agrotamus.
Sanitas amissa, vix, vel cum tempore, nec sine
fastidio restituitur. Consideranda nobis igitur ea ve-
niunt de quorum usu legitimo hæc scientia tractat. Res non natu-
A

rales vulgò vocantur, eò quòd humani corporis naturam (compositionem puta) non ingrediantur. Inter illa haud infimum tenet locum Aër, spiritus vitæ non ineptè dictus. Qui verò dotibus ad sanitatem conservandam magis est præditus, is eligatur.

I I.

SANITAS in functionum integritate posita est. Dum adest, actiones homini propriæ faciliè, jucundè & cum quâdam constantiâ fiunt. Sanitas à determinatâ mobilitate partium, tam firmarum quàm fluidarum pender, & sensim mechanicâ molis humanæ compage in dies deteritur. Sanitatem etiam destruit abusus rerum non naturalium, quibus non tam Utimur quàm Abutimur. Inter hæc, injuriæ & vicissitudines Aëris, non leviori damno corpus afficiunt. Qui minores noxas secum infert Aër, is aliis omnibus salubrior censendus.

I I I.

LIQUIDI moles illa corpus nostrum ambiens, quam inspiratu ducimus, Aëris nomine intelligenda venit. Nullum in hac sensili rerum naturâ fluidum virtutis efficaciam præstantius quàm Aër. Pondere hic & elaterio pollet maximè, nos premit undique circumfusus, ac diversimodè pro sui conditione laxat, emollit, densat, constringit. Indefinenter inspiratus Aër pulmones permeat & totum corpus sanguini immixtus. Sanitatis inde & morborum opportunus Author, si plus aut minus vapore gravior & sordibus inquinatior sese in corpus inferat. Inter omnes Aëris species diversas sensibiles, Aërem frigidum & siccum præ cæteris tibi eligendum credas, utpote qui minores noxas infert, & à quò præterea. Corporis functiones ab eo pendentes ad amissim peraguntur.

I V.

BONA respiratio, insensilis perspiratio laudabilis, functiones in nobis ab Aëre præsertim pendentes. Utramque facilius in Aëre frigido & sicco peragi docet natura; his enim dotibus Aër præditus suo libere gaudet elaterio; unde pulmonis explicatio facilior, in ipsis vasculis contenti sanguinis divisio major, conquassatio, tritus fortior. Ex pulmonibus in sinistrum cordis ventriculum, & à corde

per Aortam in omnes corporis partes sanguinis ejusdem validior impulsus, expeditior circuitus; & ab his omnibus vita, motus & secretiones dependent omnes. Quod ad insensilem spectat perspirationem, audi Sanctiorum: » Aër frigidus, lavacra frigida, corpora » robusta calefaciunt, eaque auferendo superfluum, reddunt leviora. Idem paulò infra: » in Aëre frigido salubri, (id est siccò) prohibetur quidem perspiratio, densantur meatus, sed roborantur fibræ, & perspirabilis retenti pondus, nec lædit, nec sentitur. De aëribus quoque sermonem faciens divinus Senex, frigidum & siccum Aërem his commendat verbis: Tempestates, inquit, Aquiloniæ quidem solida reddunt corpora, tum etiam firma & ad motum expedita, & benè colorata.

V.

A Peculiari quidem structurâ solidæ corporis partes habent ut influxu fluidi dimoveantur ab axe: habent etiam ut resiliant ab Aëre pro diversâ ac variâ ejus naturâ. Aër calidus, humidissima Oculorum, Narium, Aurium, Oris, asperæ Arteriæ dissipat, Vascula exsiccat, Pulmonis cruorem magis cogit; utraq; causâ Pulmonis actionem impedit; multos morbos inde oriundos excitat; humores semper tenuiores aufert; dissipat mobilia, lentiora aggregat; compingit, exsiccat; ergo partes aquosas, spirituosas, salinas, volatiles, assiduò diminuit: contra verò salina fixiora, olea crassa & tenacia, aëria exusta, tum terrestria fixa auget; congerit; in massas irresolubiles unit. Hinc itaque immeabilitas humorum; simul elongatio & debilitatio solidorum, & quæ inde sequuntur obstructio, exsiccatio, coctio læsa & impedita. » In Aëre calido corpus est minoris roboris, » tum quia perspiratione exhalat aliquid bonorum spirituum, tum Sanctor.
» quia calor non est concentratus: Si Aër sit humidus, laxat; solvit, debilitat, fibras in primis pulmonis, serum ipsius retinet, auget, »
» accumulat: perspirationem à pulmone prohibet. Aër Austrinus omnium pessimus » Austri cum suis collateralibus, inquit Hippocrates, Aphor.
» calidi sunt & humidi, nubium & pluviarum parentes. Idem Austrini Lib. 3.
» ne tempestates corpora planè resolvunt & humidiora reddunt, tunc Ibid.
» etiam auditus graves, & capitis gravitates, vertigines inducunt
» tenebricosas, tum ipsis oculis totique corpori in movendo difficili-
» tatem afferunt, alvumque humidam reddunt. Itaque Aër calidus,
» Aër humidus nocumenta habent quam plurima. Utrumque igitur
» prudens caveas. Audiamus nunc Boërhaave. » Aër purus, inquit, De Dietâ

ad longæ-
vitatem.

4
Campestris, Montanus, frigidior, laudatur præ cæteris; naturæ
Corporis quia magis conveniens. Nestoreos annos attingunt soli
Borealiū plagarum accolæ Zelandi. Contrà vix senectutem salutant
Meridionalium regionum habitatores. Unde rectè concluditur;

Ergò. Aër frigidus & siccus salubrior.

Proponebat Parisiis, LUDOVICUS-GABRIEL DUPRE;
Remensis, Saluberrimæ Facultatis Parisiensis Baccalaureus Medicus,
A. R. S. H. 1745, à sextâ, ad meridiem.